

Headline	Elak ditipu agensi haji		
MediaTitle	Utusan Malaysia		
Date	11 Aug 2014	Color	Full Color
Section	Dlm Negeri	Circulation	178,211
Page No	1,9	Readership	534,633
Language	Malay	ArticleSize	511 cm ²
Journalist	Oleh ABDUL YAZID ALIAS	AdValue	RM 10,100
Frequency	Daily	PR Value	RM 30,299

Elak ditipu agensi haji

Oleh **ABDUL YAZID ALIAS**

SHAH ALAM 10 Ogos - Sultan Selangor, Sultan Sharafuddin Idris Shah mengingatkan bakal jemaah haji supaya tidak berurusan dengan agensi yang diragui statusnya.

Baginda bertitah, langkah itu penting bagi mengelak mereka daripada menjadi mangsa penipuan sehingga sukar melaksanakan rukun Islam kelima itu.

“Beta ingin mengingatkan kepada bakal haji supaya tidak berurusan dengan agensi haji yang diragui akan statusnya.

“Beta tidak mahu ada bakal haji di Selangor mendapat masalah berkaitan dengan proses perjalanan pergi

atau balik dalam menunaikan ibadat itu sama ada di Malaysia atau pun di Arab Saudi,” titah baginda.

Baginda bertitah demikian ketika menutup Kursus Perdana Haji 1435 Hijrah Peringkat Negeri Selangor yang dihadiri 3,600 orang bakal haji di Masjid Sultan Salahuddin Abdul Aziz Shah di sini hari ini.

Yang turut hadir mengiringi baginda ialah Menteri Besar, Tan Sri Abdul Khalid Ibrahim; Setiausaha Kerajaan Negeri, Datuk Mohamed Khusrin Munawi; Mufti Selangor, Datuk Mohd. Tamyas Abd.

Wahid; Ketua Pengawai Eksekutif Lembaga Tabung Haji, Tan Sri Ismee Ismail dan Pengarah Jabatan Agama Islam Selangor (JAIS), Ahmad Zaharin Mohd. Saad.

Baginda turut menasihatkan bakal haji supaya membuat persiapan sebaik-baiknya sebelum berangkat ke Tanah Suci selain memastikan menjaga akhlak, tingkah laku serta nilai budi yang tinggi sepanjang musim haji.

“Tunaikan ibadah dengan tertib, sabar dan mengikut peraturan yang dikeluarkan dari semasa ke semasa oleh pihak pengurusan Tabung Haji dan juga pihak berkuasa Arab Saudi,” titah baginda.



SULTAN Sharafuddin Idris Shah bersalam dengan peserta Majlis Penutupan Kursus Perdana Haji 1435 Hijrah Peringkat Negeri Selangor di Masjid Sultan Salahuddin Abdul Aziz Shah, Shah Alam, Selangor, semalam. Turut hadir Abdul Khalid Ibrahim (dua dari kiri) dan Ismee Ismail (kiri). - UTUSAN/MOHD. SHAHARANI SAIBI